

2 Korid

Pol köp hain u Korid nibi bi kalip kali kliš rika

1 ¹Yad Pol. God yip hag lö, Krai Jisas manö ud arep bi ap midem, mam hon Dimodi aip aui midul, kalöp God nibi bi nipe daun kub Korid midpim gau abe, Akaia Propins aṅ aṅ gau gau magōṅhalö midpim gau abe, köp anibi kali kliš rikabin. ²Kalöp hagabin, yip aij göp u, Bapi God abe Bi Kub Jisas Krai abe kalöp mög niṅmil ud aij gilö, agamij mid aij gimim.

Pol God nip aij a ga

³Bi Kub hon Jisas Krai Nap nipe God nip aij a gun. Bapi God ñi pai nipe mög mög niṅöm, ud aij göm, pör pör abad mid aij yabiṅ göp.^a ⁴Marö rimnap hanip auajip, nipe hanip abad mid aij göp u me, hon pen ado gun, nibi bi rimnap marö auajip, kalip u rö nöp ud aij gun abad mid aij ginabun. ⁵Krai pig midpun u me, nipe ilön uda rö hon u rö nöp ilön rimnap udpun. Pen Krai pig midpun u me, nipe hanip pör pör abad mid aij göp niṅöm hon gasi halö midpun.^b ⁶Kale mid aij gimim gasi halö midmim, am nipe aip pör pör mideinabim a göm, Krai Jisas nipe marö rimnap hanip ñimidöp. Pen Krai nipe hanip abad mid aij göp rö, hon gasi halö midpun u niṅnabim u me, marö rimnap kalöp aueinab u, Krai hanip u rö nöp abad mid aij ginab niṅöm mid aij gun a gimim, gasi halö mideinabim. ⁷Gasi hon niṅbun u, kale Krai nip arö gagnabim. Hol bi miṅhau ilön udpul rö, kale u rö nöp ilön udnabim; pen God halip miṅhöṅ ud aij göp rö, kalöp u rö nöp ud aij göm abad mid aij gö, gasi halö mideinabim.

⁸Pen añ mam bi niṅmim. Hol bi miṅhau Esia Propins midul, marö kub udul uṅham yabiṅ midailo. Kamiṅ midaiul rö lagöp, hadö umnabul a

^a 1:3 Ro 15:5 ^b 1:5 Sam 34:19

gilo.^c ⁹Hadö umnig gabul a gilo. Pen ga adö anibu, hol gasi kub yabił niñmidul u me, hol ke klö midpul a gul hagagpul; God nibi bi umbal gau gö urakpal u nöp halip abad midö niñöl gi midpul, a gipul. ¹⁰⁻¹¹Halip böñ nöp al pak löl rö la u pen nipe halip ud kamiñ yua u me, uri nipe halip kauyañ ud kamiñ yuniñ gab. Kale God nip sabe göl gi midpe, hainö gau abe nipe u rö nöp halip ud kamiñ yunab a gul gasi halö midpul. Anib u, nibi bi iru nöp God nip sabe göl gi midlö, God nipe niñöm halip bi mihau ud kamiñ yuo me, nibi bi iru nöp halip ginab u niñöm hib nipe haglö adö arnab.^d

Pol kalip am niñaga, manö u haga

¹²Midmagö hol añ dañ niñbul, nibi bi gau aip midul nan niñön niñön gipul gau, God halip aip midö niñöl gi, nip gasi niñöl gi gipul. Hol manö niñö nöp hagul gi aij nöp gipul. Yad waiö hagabin, kalöp pör pör anib unbö rö nöp gipul. Pen nibi bi gau gasi niñbal rö gasi niñul anig gagul. God halip mög niñöm ud aij göm gasi nō anig gipul. ¹³⁻¹⁴Köp kalöp kali kliñ rikmidin gau, manö ba gau rö hagem rikagmidin; amgö li niñmim, ił u yinid niñmim a gem, waiö nöp rikpin. Miñi ke ke rö midpun u me, kale yip niñbim pen yip niñ aij gagpin; pen yip aij göp u, yip niñ aij gipe me, hainö Bi Kub hon Jisas ado gi aunab ñin u, ap magum gun, yad kalöp niñem miñ miñ ginabin; kale pen u rö nöp yip niñmim miñ miñ ginabim.^e ¹⁵⁻¹⁶Adö anibu nöp me, nöd Masedonia Propins aragnö ñin u, yad gasi ap niñem köl am niñnig ninabin a ginö. Yad Masedonia nibi bi kalip niñnig arnabin, pen nöd am kalöp niñem arnam, a ginö. Pen ado gi apem, Judia arnig, adan milö añi anibu nöp apem, kalöp kauyañ niñöl gi ap padinam, a ginö. Anig ginö me, kale miñ miñ gimim yip pen gi ñimim nan magö rimnap ñibe niñöl gi, Judia arnam, a ginö.^f ¹⁷Gasi anibu rö niñem me, kalöp nöd manö big yunö u pen hainö nagnö. Anig ginö u, yip pen hagnabim, “Bi milö u nip ke aij göp adö u hain göm, ‘Ginabin ginabin,’ a göm, manö nöp hagöm, hainö gagöp. Nipe yiñariñ bi manö ñig pak ajöp milö u,” a ginabim rö löp u pen, ¹⁸God bi niñö yabił nöp hagöp u piğ midpin rö u, yad gasi miñöp niñem kalöp hagagpin. ¹⁹Yad, Sailas, Dimodi, hon kalöp God Ni nipe Jisas Krais manö hag ñino. Jisas Krais gasi miñöp midagöp. Nipe yau a göm, hainö wasö gagnab. Manö niñön niñön hagöp u, hagöp rö nöp ginab.^g ²⁰God manö adö niñön niñön haga u, Jisas Krais apöm, anib unbö rö nöp magöñhalö göp. Hon nipe anig göp anibu niñbun u me, God nip sabe gun u, Jisas Krais hib nipe hagin, “Niñö” a gipun. Anig gipun u, God hib nipe u adö lañ arañ a gun anig gipun.^h ²¹God nipe nöp gö me, hon abe, kale abe Krais nip cig aij

^c 1:8 Ap 19:23; 1Ko 15:32 ^d 1:10-11 2Di 4:18 ^e 1:13-14 2Ko 5:12; Plp 2:16

^f 1:15-16 1Ko 16:5-6 ^g 1:19 Ap 18:5 ^h 1:20 Rep 3:14

gun midpun. Nipe nöp me hanip “Nibi bi yad ke,” a göm, hag löm, ²²Ana nipe u hanip ñö, apöm midmagö aṅ hon daṅ goṅ li midöp. Anib u hon niṅbun, hon God nibi bi nipe ke midpun niṅöm nipe haga haga rö nöp magöṅhalö hanip ñinab.ⁱ

²³Pen yad kale Korid kai midpim gau niṅniṅ gainö u pen amem manö kub hagnö, kale ilön udmim rö löp niṅem me, kalöp mög niṅem me nagnö. God nipe midmagö yad aṅ daṅ niṅöb yad piral hagagabin. ²⁴Pen manö yad u nöp hain göl a gem gasi u niṅagpin. Kale ke Krai nip gasi niṅbim u me, yad am kalöp hagnö, kale klö gimim Krai nip niṅ aij gimim cig pidöṅ gimim miñ miñ göl gi mideinabim, a gem hagabin.^j

2 ¹Pen yad gasi ap niṅem hagnö, “Kalip kauyaṅ am niṅem manö klö hagnö, kalip kauyaṅ ilön udöl rö löp u, am niṅagnam,” a ginö.^k ²Pen yad ginö kale ilön udeinabim u, an pen midöm yip geinab miñ miñ ginabin? Nibi bi anibu rö rimnap midageinaböl. ³Anibu niṅem me, kalöp köp kali kliñ riknö. Yad gasi niṅnö, “Amjakem nibi bi gau niṅem miñ miñ yabiḷ gibnep pen wasö, amjakem kalip niṅnö, yip miṅör yabiḷ ginim rö löp u me, yad aragnabin,” a ginö. Yad gasi niṅnö, “Yad ke miñ miñ ginabin u, kale abe miñ miñ ginabim,” a ginö. ⁴Köp kali kliñ riknö anibu, midmagö yad u ilön gö, gasi milö löl gi, amgö ñiṅ ud gi dö gi yuöl gi kali kliñ riknö. Kalöp marö kub ginim a gem rikagnö; kalöp midmagö yabiḷ libin rö niṅmim, a gem riknö.^l

**Bi nan naij ga u, uri nan naij ga anibu arö
gimim nip midmagö limim udmim**

⁵Pen yad gasi niṅbin bi ap gö marö ga u, yip gaga, kalöp nibi bi gau midpim kalöp magöṅhalö ga. ⁶Pen kale magöṅhalö rö nip arö gipe u, nipe ilön udöm, gi naij ga u hadö niṅöb. Anib u, miñi aniṅ gagmim; arö gimim. ⁷Miñi gi naij ga anibu arö gimim, nip manö hain hain hagnim. Nihön ginig: nip aniṅ gagpe, mög kub yabiḷ gö, böṅ nöp ap lug paknim rö löp. ⁸Anib u, yad kalöp hagabin, nip mam hon a gimim midmagö libim u, nip hagpe niṅ aij ginim. ⁹Yad kalöp köp kali kliñ riknö u, manö yad u udmim, manö nihön nihön hagnabin magöṅhalö hain gimim ginabim aka gem köp kali kliñ riknö. ¹⁰Pen nibi bi kale gau rimnap gi naij ginaböl kale arö ginabim u, yad u rö nöp gi naij ginaböl anibu arö ginabin. Pen yad gi naij ginaböl arö ginabin u, Krai yip niṅ midöp, a gem, kalöp nan a gem arö ginabin. ¹¹Pen wasö u, Seden hanip Krai nibi bi nipe rimnap gö, ap lug pakun rö löp. Seden pör, ginö ap lug paköl a göm niṅöb u, niṅbun.^m

¹²Pen Krai manö aij u Droas nibi bi kalip hag ñinam a gem, Droas arainö, Bi Kub yip adan hiikö, wög nipe u ram minöṅ anibu ginam rö

ⁱ 1:22 Ep 1:13-14; 2Ko 5:5 ^j 1:24 1Pi 5:3 ^k 2:1 1Ko 4:21 ^l 2:4 Ap 20:31

^m 2:11 Luk 22:31

la u pen,ⁿ ¹³ mam yad Daidas Droas au ulhai niñagnö u me, yad gasi kub niñem, Droas nibi bi kalip, “Aui midaiim” a gem, Daidas nip niñnig Masedonia Propins aui aunö.^o

¹⁴ Anib u, God göp rö niñem, nip aij yabił a gipin. Ñi nipe Krais nip yuö, apöm Seden nip ud rala miñan nipe gau löm, hanip uda. Nipe hanip udöm, ami bi kub rö hanip ul gi arö niñöl gi, nibi bi ke ke gau hanip niñöm Krais manö aij nipe hałiñ aij yabił rö niñbal. ¹⁵⁻¹⁶ Krais mab hałiñ aij auep ud God nip lau sabe gi ñöb u rö, hon midpun. Nibi bi Krais kalip ud kamiñ yuab gau hałiñ anibu niñöm hałiñ aij unbö ke niñlö, kalip kamiñ midep magö u ñöb. Pen nibi bi Krais nip arö gipal gau, hałiñ añi anibu nöp niñöm wip hałiñ naj u a gilö, kalip umeb magö u ñöb. Pen nibi bi an wög anibu ginim rö löp?^p ¹⁷ Nibi bi iru nöp mani nan gau iru nöp udun a göm, God Manö aij nipe u hag ajpal. Pen hon unbö rö gagpun. God nipe hanip hag li yuöm niñ midö niñöl gi, hon Krais nibi bi nipe midun manö niñö yabił nöp hagun a gun, God Manö aij nipe u kabö göl nöp hag ñibun.

3 ¹ Pen manö kali kłiñ rikabin anibi, “Yad köp kali kłiñ riknö, hanip ud aij göl,” a gem, rikagabin. Hon nibi bi yihariñ rö midun, hanip udmim, a gun, nibi bi kale niñbim rimnap kalip hagno, köp rimnap kali kłiñ rik ñilö, hon dap kalöp ñino niñmim, hanip udagnabim. Pen kale, “Bi gai i kalip udmim,” a gimim, köp rimnap kali kłiñ rik ñibe, hon dam nibi bi rimnap kalip ñagnabun.^q ² Pen köp midmagö añ hon dañ kali kłiñ rik midöp rö me, kale nibi bi midpim. Gasi hon niñbun u, kalöp manö hag ñino niñmim udpim u me, nibi bi gau kalöp niñöm, hon bi aigale bi rö midpun u niñnaböl.^r ³ Pen hon Krais nip wög gino, Krais nipe ke köp anibi kali kłiñ riköm hanip ña. Yig nan kali kłiñ rikep udöm rikpal rö wasö; kabö adö u kali kłiñ rikpal rö wasö. God pör kamiñ midöp Ana nipe u Krais manö aij nipe u nibi bi midmagö añ kale dañ riköp.^s

⁴ Yad manö hagabin anibi, God niñhön niñhön hagöp u Krais magöñhalö anib unbö rö nöp ginab, a gem hagabin. ⁵ Hon niñbun, hon kłö hon ke gino wög aij arnim rö lagöp; God nöp me hanip gi ñö niñöl gi, gino wög aij arnab. ⁶ God nipe nöp gö, hon wög gi ñeb bi nipe midun, God Manö hain nibö hag löp u, damun nibi bi gau kalip hag ñibun. God Manö hain nibö hag löp anibu, lo manö u rö wasö; manö hain nibö hag löp u, God Ana ñöb. Lo manö gö, nibi bi umnaböl; pen God Ana gö, nibi bi kamiñ mideinaböl.^t

⁷ Lo manö anibu, God kabö hałai bad adö u kali kłiñ rikö, Mosis dauö niñöl gi, mailö kub yabił ga. Mailö kub anibu Mosis mulu maj miñan nipe

ⁿ 2:12 Ap 14:27; 1Ko 16:9 ^o 2:13 Ap 20:1 ^p 2:15-16 Luk 2:34; 2Ko 3:5-6 ^q 3:1 2Ko 5:12; Ap 18:27 ^r 3:2 1Ko 9:2 ^s 3:3 Eks 24:12; Jer 31:33; Esi 36:26-27 ^t 3:6 Jer 31:31; 1Ko 11:25; Jon 6:63

mailö gimidöp. Midö midö mailö kub anibu hadö ur gaia pen Isrel nibi bi Mosis mulu maj migan nipe niñöl rö laga. Lo manö umeb magö daua u pen mailö kub yabił halö aua.⁸ Pen God Ana wög nipe gab u mailö aij unbö ke halö midöp. ⁹Manö kub hagep lo manö u mailö halö aua rö, hon God amgö ilö adö nipe u nibi bi kamiñ aij rö lep manö aij anibu mailö halö unbö ke yabił aua.⁹ ¹⁰Mailö aij unbö ke uri hadö auub u me, lo manö nöd mailö halö aua u uri mailö gagöp. ¹¹Lo manö u pör midagöm ur ginig gaia pen mailö halö aua; anib u me, manö aij u pör pör midöm ur gagnab u mailö aij unbö ke halö midöp.

¹²Anib u, hon gasi halö midun, ana udagun, klö gun Kraiss manö aij u waiö hag ñibun. ¹³Mosis ga rö gagun. Nipe lo manö u damöm, mulu majmañ nipe u mailö kub yabił ga, pen midö midö mailö kub ga anibu pro gö auö niñöl gi, Mosis nipe nibi bi gau pro gajip anibu niñagöl a göm, usajil bad ap udöm, mulu majmañ nipe u pału ga.¹⁴⁻¹⁵ Pen gasi kale niñ aij gagla. Nihön ginig: usajil bad rö gasi kale wam wam göm mideia u me, God nöd hadame nöp manö niñö hag lep haga manö u amgö li niñla u pen manö il u niñagla. Miñi u rö nöp kale lo manö anibu amgö li niñbal pen nan usajil bad rö gasi kale wam wam gö, manö il niñagpal. Nan usajil bad rö gasi kale wam wam göp u, Kraiss nipe nöp ud ke gau yunim rö löp. ¹⁶Pen nibi bi Bi Kub u nip aunaböl u, nipe usajil bad gasi kale pału göm midöp u, ud wał gi yuöm, gasi kale piral hiikö, niñnaböl.^x ¹⁷Bi Kub hagabin u, Ana u me. Ana nipe hon aip mideinab u, nan nihön nihön göm hanip bi nagiman rö linim u, nipe pa jö gi ke gau yuöm hanip ud asik yunab.^y ¹⁸Pen mulu majmañ hon u pału gi pi gun midagpun rö, hon magöñhalö Bi Kub mailö aij nipe u waiö niñibun. Nipe gö, hon magöñhalö nipe ke mailö aij halö midöp rö linabun. Magö añi nöp nipe midöp rö lagnabun; pen ñin añi añi nipe pör nöp hanip gi gi gö, hon mailö aij nipe midöp rö linabun. Bi Kub anig gab u Ana u me.

Minöñ ud rin cög gipal rö u, hon nibi bi midpun

4 ¹God hanip mög niñöm udöm, wög anibi hag lö gipun u me, hon gasi iru niñagpun. ²Pi göm gipal adö u abe, nable gö niñöl gi gipal adö u abe hon gagpun. Nibi bi gau kalip manö piral hagagpun. Hon God Manö hag ñinig gabun u, manö hon rimnap halö hagun hag ñagpun. Nan nihön nihön gipun gau piral adö u gagpun. God Manö aij nipe u kabö göl nöp waiö hag ñibun. Anig gino, nibi bi gau hanip niñöm, midmagö añ kale dañ niñnaböl, hon God amgö ilö adö nipe u bi aigale bi rö midpun.^z ³Nibi bi umaböl gau nöp, manö aij waiö hag ñibun u niñöm, usajil bad rö manö aij adö midöp niñöm niñagun a gipal. ⁴Kale niñagpal u, Seden ram minöñ il i god rö

⁸ 3:7 Eks 34:29 ⁹ 3:9 Dud 27:26; Ro 1:17 ^w 3:13 Eks 34:33 ^x 3:16 Eks 34:34

^y 3:17 Jon 8:36; Ro 8:2 ^z 4:2 2Ko 2:17; 1De 2:5

midöp u, gasi kale wam wam gö, Krai manö aij mailö halö midöp manö u niḡagpal. God nipe midöp rö, Krai u rö nöp midöp u niḡagpal.^a ⁵Pen manö hag ḡibun u, hon bi aigale bi rö midpun manö u hag ḡagpun; Jisas Krai nipe nöp Bi Kub midöp niḡöm Jisas wög nip gun, wög gi ḡeb bi kale midpun a gun, manö aij kalöp hag ḡibun. ⁶God nöd “Sibön aḡ yaḡ mailö gaḡ,” a ga. God aḡi anibu nöp mailö nipe midmagö aḡ hon daḡ ḡi lab. Anib u, God mailö aij nipe u Krai mulu majmaḡ mailö gab u hadö niḡibun.^b

⁷Minöḡ ud rin cög gi libal rö u, hon nibi bi midpun. Pen God nipe nan aij unbö ke anibi hanip aḡ daḡ löp. Anib u niḡibun, klö hon ke wasö; God klö nipe ke ḡö udun anig göl midpun u niḡibun.^c ⁸Hanip böḡ böḡ ridik gipal u pen hon pak gulu gi arbun. Gasi iru niḡibun u pen gasi halö midpun.^d ⁹Hanip yu gi yubal u pen mam hon pör aip midöp. Hanip yihariḡ gabi pakpal umagpun. ¹⁰Jisas nip paköm al pak la rö, hanip u rö nöp paköm al pakniḡ gilö bislam midpun. Pen anig gö, nibi bi gau haḡ romaḡ hon niḡöm, Jisas kamiḡ midöp u waiö niḡnaböl.^e ¹¹Hon kamiḡ midpun u, Jisas nip niḡ udpal, a göm, hanip pör pör nöp al pak linig gaböl. Pen gaböl anibu, nibi bi gau haḡ romaḡ hon niḡöm Jisas kamiḡ midep magö nipe u niḡöl a göm, God kalip arö gö anig gaböl.^f ¹²Hon pör pör umun rö löp u pen hon anig gino, kale kamiḡ midmim rö löp.

¹³God Manö u bi ap kali klḡ riköm haga, “God nip niḡ udpin u me, anig hagpin,” a ga. Anib u rö, hon u rö nöp God nip niḡ udpun u me, manö hagpun.^g ¹⁴Hon niḡibun, God gö Bi Kub Jisas kauyaḡ uraka rö, hanip u rö nöp gö urakno, hanip abe kalöp abe dam Jisas midöp au linab.^h ¹⁵Nan hagabin anib i magöḡhalö kalöp nan a gem hagabin. Anig gino, ḡin aḡi aḡi God nipe nibi bi gau gau iru nöp ud aij göm abad midö, kale God nip aij a göl gi gilö niḡöl gi, hib nipe u i adö laḡ ap rannab.

God nip niḡ udun gasi halö midpun

¹⁶Anib u, hon gasi halö midpun. Haḡ romaḡ ḡin ma hon hainö gi lugnim rö löp u pen God hanip pör pör ana aḡ hon daḡ klö ḡö niḡöl gi kamiḡ midpun.ⁱ ¹⁷Marö pro udpun anib gau nan kub wasö; yihariḡ magö uḡep ap nöp udpun. Pen marö anib gau udun, am Krai aip midun pör nöp pör nöp mailö aij kub yabiḡ gau mid aij ginabun.^j ¹⁸Minöḡ naböḡ adö iḡ i midun, nan amgö magö niḡeb gau gasi iru niḡagpun; nan adö laḡ au amgö magö niḡagep gasi niḡibun. Nan amgö magö niḡeb gau magö uḡep nöp mideinab; nan amgö magö niḡagep gau pör nöp pör nöp mideinab.^k

5 ¹Haḡ romaḡ hon miḡi midöp ḡin aḡ i, ram bada bad rö midöp. Pen ram bada anibu ud waḡ gilö aka asöl gö, God nipe hanip ram hain

^a 4:4 Ep 2:2; Kol 1:15; Hib 1:3 ^b 4:6 Jen 1:3; Ais 9:2; 2Ko 3:18 ^c 4:7 2Ko 5:1 ^d 4:8 2Ko 1:8; 7:5

^e 4:10 1Ko 15:31 ^f 4:11 Ro 8:36 ^g 4:13 Sam 116:10 ^h 4:14 1Ko 6:14 ⁱ 4:16 Ep 3:16 ^j 4:17 Ro 8:17-18

^k 4:18 Kol 1:16

nibö ap ram minöŋ nipe kumi kabö adö laŋ au gi lö mideinabun. Ram anibu bi ram gipal rö wasö; God nipe ke gi lö, pör nöp pör nöp mideinab.¹ ²Ram hain nibö anibu yinid udun walij rö rol gun, a gi gasi niŋöl gun abad midpun.^m ³Nihön ginig: God nipe hanip walij rö rol gi ñeinab u, magö nöp midageinabun. ⁴Miñi ram bada anibi midun, marö gö niŋöl gi ake gabun. Pen arö gun, magö nöp midaiun a gi gasi u niŋagpun; kumi kabö adö laŋ midep hañ romaŋ u udun a gi gasi u niŋbun. Hañ romaŋ kamiŋ midep u apöm, hañ romaŋ umeb nöd nibö u böŋ nöp ñiŋ haknab, a gi gasi u niŋbun. ⁵God gasi nipe ke niŋöm, hañ romaŋ hain nibö ñinam a göm, Ana nipe u nöp yuö apöm hanip aip midöp u me, God nipe haga rö nöp ginab u niŋ aij gipun.

⁶Anib u me, hon pör pör gasi halö midpun. Pen hañ romaŋ anib i halö midpun ñin aŋ i, Bi Kub ram nipe kumi kabö adö laŋ au midagpun.ⁿ ⁷Bi Kub nip gasi niŋöl gi ajpun u pen amgö niŋagpun. ⁸Hon gasi halö midpun. Hañ romaŋ hon i arö gun, am Bi Kub aip ram minöŋ nipe kumi kabö adö laŋ au midaiun, a gi gasi u niŋbun.^o

⁹Anib u, ram minöŋ hon auñ hañ romaŋ mideinabun aka arö gun Bi Kub ram nipe am mideinabun u, nip aij ginab adö u nöp gun, a gi gasi u niŋbun.^p ¹⁰Nihön ginig: hon magöŋhalö am Krai amgö ilö adö nipe au midno, miñi hañ romaŋ halö midun nihön nihön gipun, aij gipun aka aigöl gi rö gipun u niŋöm, pen anibu rö ñinab.^q

¹¹Bi Kub nipe Bi piñiŋ gep midöp u niŋun, klö gun, nibi bi gau nip niŋ udöl a gun, kalip manö aij nipe hag ñibun. Hon bi aigale bi rö midpun u, God niŋ aij göp; kale u rö nöp, hon bi aigale bi rö midpun u abe niŋmim rö löp. ¹²Manö kali kliñ rikabin anibi, hon bi aij hanip udmim manö u rö, kalöp hagagabin. Manö kali kliñ rikabin anibi niŋmim, hanip nan a gimim gasi niŋmim miñ miñ gimim, a gem kali kliñ rikabin. Anig ginö, nibi bi midmagö aŋ daŋ wasö, hañ romaŋ höŋ adö u nöp nihön rö midöp u gasi niŋbal gau, kalip manö pen hagem a gem manö anibu kali kliñ rikabin. ¹³Pen manö hagabun i, kale rimnap hagnabim, hauñ alö manö anibu hagab, a ginabim. Pen kale anig rö hageinabim u, Pol bi gau God hib nipe haglö adö araŋ a göm anig hagaböl, a gimim gasi u niŋmim. Pen bi hauñ wasö, bi gasi midöp rö hagaböl u, a geinabim u, Pol bi gau manö hagaböl u hanip nan a göm hagaböl a gimim, manö hon niŋ udmim. ¹⁴Krais nipe bi añi yabiñ u nibi bi magöŋhalö nan a göm uma rö, hon nibi bi magöŋhalö aip umno, a gun niŋbun. Krai hanip nibi bi magöŋhalö midmagö löp u niŋun, gasi hon adö u ke niŋun gagpun. ¹⁵Krais nibi bi magöŋhalö nan a göm uma. Anib u, miñi riköl hainö, hanip ke aij ginab adö u niŋun

¹ 5:1 2Ko 4:7 ^m 5:2 Ro 8:23 ⁿ 5:6 Hib 11:13-16 ^o 5:8 Plp 1:23 ^p 5:9 Kol 1:10; 1De 4:1
^q 5:10 Ekl 12:14

gagun; Bi Kub hanip nan a göm umöm kauyaŋ uraka u nip aij ginab adö u nöp gun.^r

¹⁶Nibi bi minöŋ naböŋ it i nibö gau niŋbal rö nöp niŋjun, “Nibi bi gau aij, nibi bi gau naj,” a gun niŋagpun. Kraiŋ nip nöd gasi piral adö anibu rö nöp niŋno u pen uri nip adö anibu rö niŋagpun. ¹⁷Nibi bi Kraiŋ nip cig gipal gau, God gö kamiŋ gisön nibö adö u midpal. Nan nöd nibö u pis gö, nöd midmidal rö midagpal; nan gisön nibö hadö auub.^s ¹⁸Hon kamiŋ gisön nibö midpun anibu, God nipe nöp gö midpun. Nöd nibi bi al niŋeb nipe midaino u pen hainö Kraiŋ nip yuö apöm, hanip ud God aip jim nöl löm, nibi bi rimnap halö God aip jim nöl midaiöl, a göm, hanip wög anibu hag la.^t ¹⁹Kraiŋ kalip nan a göm uma u me, God nibi bi gau magöŋhalö nan si nan naj gipal gau niŋem arö ginö, yad aip jim nöl midaiöl, a göm ga. Pen God nipe hanip manö aij anibu nöm, nibi bi gau magöŋhalö hag nimim a göm, hanip nibi bi wög gep nipe hag löp.^u ²⁰Hon me, Kraiŋ bi aŋ nibö nipe midun, God manö aij hagöp u udun nibi bi gau kalip hag nimidun. Kraiŋ bi nipe midpun u me, kalöp hagabun, Kraiŋ manö aij u niŋ udmim, yau a gipe, God kalöp ud aij göm nip aip ud jim ninab. ²¹Kraiŋ nan si nan naj ap gaga pen God nan si nan naj hon magöŋhalö Kraiŋ nip na. God ga anibu, hon Kraiŋ aip midun, God kamiŋ aij midep magö nipe u halö udnabun a göm ga.^v

6 ¹Hon God aip jim nöl wög gipun rö, kalöp manö kŋö gi hagen hagabun, God kalöp mög niŋöm ud aij göp u, arö gagmim. ²God nipe hagöp,

“Manö ne niŋnam a gem midainö nin u,
yip hag niŋaina niŋnö.
Nöp ud kamiŋ yunam a gainö nin u,
nöp gi ninö,” a ga.

Pen niŋim! Miŋi nin i nöp God nibi bi gau manö niŋnam a göm midöp. Miŋi nin i nöp God nibi bi gau kalip ud asik yuö, kamiŋ arnaböl.^w

³God nip wög gipun u ar aij ginim, a gun, niŋ aij gun gipun. Nibi bi rimnap hanip niŋöm, gasi rimnap auö, ap lug paknaböl adö u gagpun. ⁴Pen nihön nihön gipun u, God nip wög gabun u niŋöl, a gun, nagi aij adö u nöp gipun. Anib u, God nip wög gun biŋlam midun arö gagpun. Miŋör nihön nihön gö, ultham midpun a gun gasi anibu niŋagpun. ⁵Hanip nin rimnap miŋu magö pakpal; nin rimnap nagi libal; nin rimnap ram minöŋ ap bi uraköm polisman aip aka ami bi aip pen pen göm söl hanip aŋ au abe al pak libal; nin rimnap wög gi dam dam ake lagpun; nin rimnap han aij gagpun; nin rimnap kiyö hanbun.^x ⁶Pen gasi aij nöp niŋjun, niŋ aij gun, nibi bi kalip niŋno, hon mulu lugö wasö, kalip ud aij

^r 5:15 Ro 14:7-8 ^s 5:17 Ro 8:1; Gal 6:15 ^t 5:18 Ro 5:10 ^u 5:19 Ro 3:23-25

^v 5:21 Hib 4:15 ^w 6:2 Ais 49:8 ^x 6:5 2Ko 11:23-27

gipun. Hon aige göl gun anig gipun? Ana Uł hanip aņ daņ midöp u me, nibi bi midmagö yabił libun;^y ⁷God hanip kłö nipe ñö, Kraiss manö aij u kabö göl nöp hagpun; gi aij gep u hałauñ gasał hon rö ñimagö yijig abe ñimagö sidagö abe midöp. ⁸Nibi bi rimnap hib hon hagłö adö aröp; nibi bi rimnap hib hon udlö yagol lugöp. Rimnap hanip manö aij hagdpal; rimnap hanip manö naij hagdpal. Hon bi piral hagep a gi gasi niņbal u pen hon manö niņö nöp hagpun; ⁹hon nibi bi hib midagöp yabił a gi gasi niņbal u pen hib hon niņbal; hadö umbun rö löp u pen kamiņ midpun. Hanip miñu magö pakpal u pen umagpun;^z ¹⁰miņör kub göp u pen miñ miñ göl gi midpun; bi mög gep rö midpun u pen wög hon gipun adö u nibi bi iru nöp nibi bi gep rö midpal; nan midagöp rö midpun u pen magöñhalö udpun.

¹¹Korid nibi bi gau, kalöp manö pi gun hagagabun, waiö yabił hagabun; kalöp midmagö libun. ¹²Hon kalöp midmagö limidun u, uri u rö nöp anig göl nöp gipun pen kale hanip midmagö limidim nagi adö u pen dam gai yubim. ¹³Kalöp ñi pai yad rö lö me hagabin: hon kalöp midmagö libun rö, kale u rö nöp hon midmagö limim.^a

Nibi bi Kraiss nip niņ udagdpal gau aip jim ñagmim

¹⁴Kale nibi bi Kraiss nip niņ udagdpal gau aip jim ñagmim. Nibi bi gi aij gipal gau, aige göl göm nibi bi gi aij gagdpal gau aip jim ñöl gilö arö aij ginab? Nibi bi mailö midpal gau, aige göl göm nibi bi sibön yaņ midpal gau aip jim ñöl gilö arö aij ginab?^b ¹⁵Kraiss aip kijaki aip manö hag adö aņi lagnabil. Nibi bi Kraiss nip niņ uđpal gau, nibi bi Kraiss nip niņ udagdpal gau aip u rö nöp gasi adö aņi niņagnaböl. ¹⁶God kamiņ u, hon sabe gep ram nipe midpun. God nipe haga,

“Yad aņ kalip gau midem,

God kale u midnö,

kale pen nibi bi yad

mideinaböl,” a ga.

Pen God sabe gep ram aip, nan yiħariņ sabe gipal nan piral gau aip, manö ap hag adö aņi löm gilö arnim rö lagöp.^c

¹⁷Anib u, Bi Kub nipe haga,

“Kalip arö gimim,

kale ke midaimim.

Nan yip asiņ la gau uł małi gageinabim u,

kalöp udnabin.^d

¹⁸Nap kale midnö,

kale ñi pai yad mideinabim.

^y 6:6 1Di 4:12 ^z 6:9 2Ko 4:10 ^a 6:13 1Ko 4:14 ^b 6:14 Ep 5:11; 2Sa 7:14; Jer 31:9

^c 6:16 1Ko 3:16; Lep 26:12 ^d 6:17 Ais 52:11; Rep 18:4

Yad Bi Kub unbö ke, bi gep yabił u,
anig hagabin,” a ga.

7 ¹Midaimam aij yad gau. God hanip manö aij manö niñö anibu hagöp rö, nan si nan naj gipun gau hañ romañ hon abe gasi rimid hon abe gi naj göp u, nan asiñ böñ nöp arö gun, God nip piñiñ gun, pör pör nöp gi aij nöp gi midaiun.

Pol miñ miñ ga

²Kale hanip ud midmagö limim. Hon nibi bi kalöp ap manö piral hagu, gi naj gun, hałöwałö gun gagno. ³Yad kalöp hag pro ginig hagagabin. Nöd kalöp hagnö rö, hon kalöp midmagö yabił libun; kalöp aip kamiñ mideinabun aka umnabun u, kalöp midmagö lun jim ñöl nöp mideinabun. ⁴Kalöp gasi ke nibö rimnap niñagpin, aij göp nöp niñöl gi midpin. Yad kalöp gasi niñem, ñiñi lem gasi halö midpin. Hanip marö yabił gab u pen yad miñ miñ göl gi midpin.

⁵Pen hon Masedonia Propins apjakno ñin u, magö ap ake lun yihariñ midagaino. Miñör ke ke iru yabił midö, hanip pen pen gilö, gasi iru yabił niñno. ⁶Pen God nibi bi mög niñbal gau ud aij göp u, Daidas nip yuö auö, hanip ud aij ga. ⁷Daidas nipe aui apöm, kale nihön nihön gimim nip ud aij gipe manö adö u hagöm; yip gasi niñ aij gaibe manö adö u hagöm; kale yad aip gasi adö añi nöp niñagaino u kale mög gaia manö adö u hagöm; kale yad aip kauyañ jim ñöl midaiun, a gasi niñaiibe manö adö u hagöm; yip manö anibu haga niñem yad aij yabił ga.

⁸Köp kali kñiñ riknö u niñbe, kalöp mög yabił ga u yad magö ap gasi kub niñnö; pen uri yad gasi kub niñagpin. Manö ktö hagem köp kali kñiñ rik yunö anibu, kale niñbe, mög ga u pen u yihariñ magö utep magö ap nöp ga. ⁹Hainö me, añ hon i nagi naj adö u gagun, a gimim mög niñmim arö gipe u, yad miñ miñ gipin. Kalöp mög ga anibu, God ginam a göm niña rö nöp kalöp gi aij ga u me, köp kali kñiñ riknö anibu, aij nöp riknö. ¹⁰Nibi bi God nip gasi niñöm, nan si nan naj gipal u nihön ginig anig gipun a göm, nagi naj gipal adö u arö gilö, God kalip ud kamiñ yunab u aij göp. Pen nibi bi God nip gasi niñagöm, yihariñ nöp nan dui gipin u nihön ginig anig gipin a ginaböl u, umöm God nip aragnaböl. ¹¹Pen kale nan si nan naj gipim u nihön ginig anig gipun a gipe anibu, God gaia, gasi niñ aij gimim gipe. Kale ktö gimim, añ hon i gi naj gagpun niñlañ a gipe. Kale piñiñ gimim, kal gimim, bi añ kale au gi naj ga bi anibu nip gasi ñun a gipe. Ktö gimim, midmagö yabił libe u, hon niñbun kale nan anibu gi naj gagpim. ¹²Kalöp köp nöd kali kñiñ rik yunö u, bi nan si nan naj ga u aka bi nip gi naj ga u gasi niñem kali kñiñ rikagnö. Kalöp nibi bi nöp gasi niñem, God niñ midö niñöl gi, kale hanip

^e 7:5 2Ko 2:13 ^f 7:8 2Ko 2:4 ^g 7:10 Mad 27:3-5; Hib 12:16-17

midmagö libim u kale ke niŋ aij ġinabim, a gem, köp kali kliš rīknö. ¹³Pen kale köp anību niŋmim, hanip ud aij yabił ġipim u me, hon miñ miñ ġun gasi halö midpun.

Pen Daidas kalöp am niŋöm apöm aiud udöm miñ miñ ġaia u niŋun, hon u rö nöp miñ miñ ġipun. Daidas nip ud aij ġipe u, miñi nipe niñi löm mid aij ġöp. ¹⁴Daidas nip nöd, añ mam Korid gau nöp ud aij ġinaböl a ġinö rö nöp ġipe u me, yad nable ġagöp. Manö kalöp ġagpin gau pör niŋö nöp ġagpin rö, manö Daidas nip ġagnö u, rapin ġagnö u pen u rö nöp niŋö yabił nöp ġagnö. ¹⁵Pen Daidas apjaköm kalöp manö ġagö, kale pa ġil ġil ġöl ġi, manö nipe u udmim, nip ud aij ġipe u gasi niŋöm, nipe kalöp midmagö yabił löp. ¹⁶Pen yad miñi niŋ aij ġipin, kale adö ap ke ġagnabim; ġi aij nöp ġinabim u me, yad miñ miñ yabił ġipin.

Masedonia nibi bi mani kub ñila

8 ¹Pen añ mam bi. Nibi bi Kraiș piġ midpal Masedonia Propins rigoŋ gau, God nipe kalip möġ niŋöm ud aij yabił ġöp.^h ²Mani kale midagö, ułham mideila u pen kale miñ miñ ġöl ġi mani kale God nip ñeb hałöwałö ñila. ³Yad ke niŋbin, mani kale iru midageia u pen mani kale ñeb aŋ u nöp ñaġla; kale kub yabił rö ñila. Gasi kale ke niŋöm, ⁴hanip manö kłö ġagöm ġaġla, nibi bi Kraiș lau adö midpal gau kiyö kub lö yihariŋ midpal gau kalip mani ñun a ġila. ⁵Pen ġöl a ġino rö ġaġla. Kale gasi niŋla, “Bi Kub nibi bi nipe midpun u me, hanip wög niñön ñinab u ġinabun,” a ġila. Anig ġagöm, Bi Kub nip wög ġöl ġi, God nip aij ga u rö hanip wög rimnap ġi ñimim a ġino u, kale anib unbö rö nöp ġila. ⁶Pen Daidas nipe nöd am kalöp ġagö, wög aij anību ił ġimim ġinig ġaibe rö, nip ġagpin, “Am Korid nibi bi gau aip midaimön, kale nibi bi gau midmagö lep wög aij ġinig ġipal anību, ne ġi ñimön böŋ nöp ġilaŋ,” a ġipin. ⁷Kale me, Kraiș nip niŋ ud pidöŋ ġipim; manö aij nipe u niŋ aij ġipim; manö ił u niŋ aij ġipim; kłö yabił ġipim; hanip midmagö libim. Anib u me, miñi mani nibi bi gau ñinig ġabim u, wög anību u rö nöp ġi aij yabił ġimim.ⁱ

⁸Pen yad manö kłö ġagem anig ġimim ġagabin. Yad yihariŋ manö hain hain ġagabin. Anib u, nibi bi rimnap hanip midmagö libal u, kale u rö nöp hanip midmagö libal aka wasö u niŋ aij ġinabin. ⁹Bi Kub hon Jișas Kraiș hanip möġ niŋöm ud aij ga rö niŋbim; nipe ram nipe au midöm, nan ap ułep ġaga me. Mid aij yabił ġaia u pen kalöp nan a ġöm, magöŋhalö mideia au arö ġöm, ił i apöm, bi möġ ġep rö yabił u mideia. Nipe anig ga u, kale nibi bi ġep rö, nibi bi nan ap ułep ġagöp rö midaimim a ġöm, anig ġa.^j ¹⁰Mi nöd nibö u, kale nöd nöp gasi niŋ aij ġimim, anig ġinabun a ġipe. Pen anig ġöl gasi niŋmim, kale u rö nöp nöd

^h 8:1 Ro 15:26; 2Ko 9:1-2 ⁱ 8:7 1Ko 16:1-2 ^j 8:9 Mad 8:20; Plp 2:6-7

nöp mani ñibe. Anib u, gasi yad niñbin u kalöp hagabin. ¹¹Mi nöd nibö u kale gasi klö niñmim ginabun a gipe u gasi niñöl gi midaimim, pen uri u rö nöp gasi klö anibu nöp niñmim, niñön ginabun a gipe u hadö gi gi pis gimim. Mani kale uri midainim gau nime limim, kalip ñeb rö u miñi böñ nöp ñimim. ¹²God nip aij göp u, mani God nip ñeb u hañowañö ñun. Pen hañowañö ñun, a gino, pro nöp ñeb rö lö, u abe God nip aij göp. God mani nan hon midöp gau nöp wö ralöb; mani nan hon midagöp gau halö wö ralagöp.^k

¹³Nibi bi mani ñinabim gau kale mid aij gilö, kale pen ulham midaiim, a gem hagagabin. ¹⁴Pen mani nan kale uri iru midöp rö, kalip rimnap nime li ñibe me, hainö kalöp midagainim ñin u, kale pen kalöp rimnap nime li ñöl. Anig gimim, kalip aip adip adip rö mideinabim. ¹⁵God Manö u kali kliñ riköm hagla, “Nibi bi nan mana a gipal u iru nöp lihu udla gau niñla kub rö gaga; kale ñiñeb rö u nöp mideia. Pen nibi bi pro lihu udla gau kalip u rö nöp rik daga; kale u rö nöp ñiñeb rö u nöp mideia,” a gila.^l

Pol nipe Daidas nip Korid yua

¹⁶God Daidas nip gasi nö, yad ke klö gem kalöp ud aij ginam, a gem niñbin rö nöp Daidas gasi niñöb u, God nip aij a gabin. ¹⁷Daidas am kalip niñmön au a ginö, nip ke aij göp rö, ñiñi löm kalöp au ninab. ¹⁸Pen bi aij hon ap halö Daidas aip yunabun. Bi anibu nipe Krai nibi bi ram minöñ pro ke ke gau kalip manö aij u hag ñi ajö niñöl gi, nip aij yabiñ a gipal. ¹⁹Hon nibi bi gau gi ñino, kale Bi Kub hib nipe haglö adö arañ a gi gasi niñbun u me, hon mani anibu ud arnabun. Pen Krai nibi bi ke ke gau midpal Daidas nip hag löm, nipe hanip aip aramöm wög aij anibu ginim, a gila. ²⁰Pen Krai nibi bi nipe mani kub ñibal u udun abad aij gun, dam bi gau kalip ñino, kale pen udöm nime li nibi bi nan midagöp gau nime li ñinaböl. Magöñhalö gasi niñ aij gun, gi aij nöp ginabun u, hanip manö ap hagöl rö lagnab. ²¹Bi Kub abe nibi bi gau abe hon gi aij nöp gipun u niñöl a gi gasi u niñbun.

²²Pen mam hon ap halö yunabun. Mam anibu nipe pör klö göm miñ miñ göm wög göp. Pen uri nipe kale nibi bi aigale bi rö midpim u niñöm, nipe miñ miñ göl gi au ninab. ²³Midamam Daidas nip yuabun u, nipe me yad aip wög jim ñöl gul, kalöp manö aij hag ñibul. Pen bi nipe aip nabil miñau, Krai nibi bi nipe gau kalip miñöñ wög anibu hag lilö, Krai hib nipe haglo adö arnim a gi gasi niñmil nabil.

²⁴Pen kale yagol u amjaklö, kalip midmagö yabiñ limim, ud aij gimim. Anig gipe me, manö anibu kub arö, Krai nibi bi nipe midpal ram minöñ ke ke gau niñöm hagnaböl, “Pol nipe Krai nibi bi Korid au midpal gau hib kale hagö adö ara u, niñö nöp hagöp,” a ginaböl.^m

^k 8:12 Mak 12:43-44 ^l 8:15 Eks 16:18 ^m 8:24 2Ko 7:13-14

Pol, “Nibi bi Krais lau adö midpal gau ud aij gimim,” a ga

9 ¹Pen Krais nibi bi nipe Jerusalem midpal gau mani ñimim, a gabin manö u, yihariñ hagpin; kale ke niñ aij gipim.ⁿ ²Kale Akaia Propins midpim gau, mi nöd u, mani kale ñinig gaibe u, yad nibi bi Masedonia Propins midpal gau kalip rapin hagem hagnidin. Kale Akaia nibi bi ñinig gaibe u, Masedonia kai kalip manö hagnö, uri nibi bi iru nöp gasi niñ aij göm mani kale ñaböl. ³Pen mam hon uri hagajin gau kalöp hag yuabin u, kale mani kale God nip ñeb u ud li aij gimim gi jin gi midpe, Masedonia nibi bi gau, Pol manö nöp hagöp a göm hagagöl, a gem kalip yuabin. ⁴Kale mani li magum gi aij gagnabim u, Masedonia nibi bi rimnap uł gi Korid amjakno, hanip nable ginab. Pen kalöp nable yabił ginim rö lõp. ⁵Anib u, mam hon gau kalip nöd hag yuabin. Kale am kalöp aip midlö, mani ñinabun a gipe u, li magum gipe midainim. Hainö yad amjaknabin u, kale ñiñi lõl gi mani ñinabim anibu gi jin gi mideinab.

⁶Kale niñbim, nibi bi nan yiñ iru yimagnaböl gau, nan iru udagnaböl; nibi bi nan yiñ iru yimnaböl gau nöp, nan iru nöp udnaböl.^o ⁷Anib u, kale nibi bi añi añi midpim rö, gasi kale ke niñmim mani ñimim. Iru gö niñöl gi ñagmim. Nibi bi rimnap kalöp neb neb gilö niñmim, ñagmim. Bi miñ miñ göm mani ñinab u, God bi anibu nip midmagö lõp. ⁸God nipe nan aij kalöp ñinig gab u, nan pro ñagnab; rapin nöp ñinab rö lõp. Anib u, pör nöp kale ke nan iru mideinab niñöm nibi bi mani uture lõp gau nan iru ñimim rö linab. ⁹Adö anibu rö, God Manö u kali kñiñ riköm hagla, “Nipe nibi bi mög gep gau kalip nan aij abönamö ñinab.

Nipe pör nöp kalip ud aij göm gi aij ginab,” a gila.^p

¹⁰God hanip pör nan yiñ ñöm, nan magö ñöm göp u, kalöp nan yiñ iru yabił ñinab. Pen nipe gö ran aij geinab niñöm kale udmim rimnap nibi bi nan uture lõp gau nime li ñibe me, aij yabił ginim rö lõp. Mani nan kale ñinabim u, God nipe gö nan magö iru yabił nöp pilnab.^q ¹¹Kalöp pör gö, nan kale iru nöp midö, hałöwałö ñeb rö linab u me, nan ñöl gi midpe, hon damun Krais nibi bi Jerusalem midpal gau dam ñino, nibi bi iru nöp God hib nipe haglö adö arnab.^r

¹²Anig gimim, Krais nibi bi nan uture göp gau kalip gi aij ginabim u, kale nan uture göp anibu udöm mid aij göm God hib nipe haglö adö arnab. ¹³Anig gipe, nibi bi gau kale God nip gasi niñöm hagnaböl, “Krais nibi bi nipe Korid midpal gau, kale Krais manö aij u udöm, hagöp rö nöp göm, hanip mani abönamö ñöm, nibi bi gau kalip abönamö ñöm gipal u, nöp aij yabił a gabun,” a ginaböl. ¹⁴God kalöp mög niñöm ud aij yabił göp rö niñöm, gasi kale am kalöp wam wam gö aij gö niñöl gi, kalöp nan

ⁿ 9:1 2Ko 8:1-7 ^o 9:6 Pro 11:24-25 ^p 9:9 Sam 112:9 ^q 9:10 Ais 55:10 ^r 9:11 2Ko 1:11; 4:15

a göm God nip sabe ginaböl. ¹⁵ God nipe nan aij unbö ke hanip ñöb u rö, nip aij göp a gun me!

Pol, “Kale yip manö piral hagaböl,” a ga

10 ¹⁻² Nibi bi rimnap yip haggpal, “Pol nipe hon aip midöm, bi hain manö hagagep bi u midöp u pen am milö gau midöm, köp kali kliñ riköm, manö klö göm hagöp,” a gipal. Pen kale manö adö ap hagöm haggpal, “Pol nipe nibi bi minöñ naböñ it i nibö gau niñbal rö nöp niñöm hagöp,” a gipal. Kraiss nipe Bi hain aij agamij midöp rö, hib nipe hagem yad ke Pol kalöp manö klö gem hagabin, kale gasi niñ aij gimim gi aij gimim. Yad amem nibi bi yip manö naj hagaböl gau kalip manö kub hagnabin. Pen kale gi aij gipe, kalöp anig unbö rö gagnabin u yip aij ginab.^s ³ Hon minöñ naböñ it i midpun u pen nibi bi minöñ naböñ it i pen pen gipal rö gagpun. ⁴ Wim po hon udun pen pen gipun u, minöñ naböñ it i ud pen pen gipal rö wasö. Wim po hon udun pen pen gipun u, God klö halö midöp u me, hon wim po anibu damun, kijaki abañ klö gi löp gau am gi naj gino, nibi bi pen hagöl rö lagöp.^t ⁵ Nibi bi gau kale God gasi niñeb u arö göm, gasi kale ke u niñöm, hib kale ke haglö adö aröp u pen hon God klö nipe udun manö aij nipe hagno, nibi bi anib gau manö aij anibu pen hagöl rö lagöp; hon gasi kale ud nagi lino, kale Kraiss manö aij niñ udöm hagöp rö nöp gilö arab. ⁶ Pen kale Kraiss hagöp rö göl gi midaibe niñun me, hainö nibi bi Kraiss nip ateb ateb ñibal gau gasi ñino niñöl.

⁷ Kale rimnap amgö nöp niñbe. Niñ aij gimim. Bi ap Kraiss bi nipe midpin a gi gasi niñöb u, Pol u rö nöp Kraiss bi nipe midöp u niñnim. ⁸ Bi Kub u nöp yip wög hag lö, kalöp nibi bi abad midpin a gipin u, rapin hagin u pen, yip nable gagöp. Pen Kraiss nipe yip wög hag la anibu, kalöp hagnö ap lug pakmim a göm hag laga; kalöp hagnö Kraiss manö aij u niñ ud aij gimim nip cig aij gimim a göm yip hag la.^u ⁹ Pen kalöp köp kali kliñ rik yubin u, niñmim piñiñ gimim a gem yuagpin. ¹⁰ Nibi bi rimnap yip haggpal, “Nipe milö gau midöm, köp nöp kali kliñ rik yuöm, manö klö yabiñ hagöp u pen aui auub niñbun u bi kub manö haggpal rö hagagöp,” a gipal. ¹¹ Pen nibi bi anig haggpal anib gau niñ midaiöl. Yad amjakem, adö ap ke gagnabin; milö gai i midem, köp kali kliñ rikem hagin rö nöp ginabin.

¹² Pen nibi bi hib kale ke haglö adö arab gau, kale kub aka yad kub aka gem, gasi u uñhai niñagin. Kale gasi laga rö haggpal, “Hon nöp me aij. Nibi bi hon gipun rö gipal gau, gi aij gipal; nibi bi hon gipun rö gagpal gau, gi aij gagpal,” a gipal. ¹³ Pen yad God wög u gi aij gipin aka manö anibu rö hagnig gabin u, God nibi bi ke nibö gau kalip wög ke hag la u, yad manö

^s 10:1-2 1Ko 2:3; 4:21 ^t 10:4 Ep 6:13-17 ^u 10:8 2Ko 13:10

hagagnabin; God nipe yip ke wög hag la u nöp hagnabin. Pen Kraiss manö aij kalöp hag ñeb wög anibu, God nipe yip ñöb.^v ¹⁴Yad kale midpim au amjakagbnep, manö anibi hagagbnep. Pen kale midpim gau yad ke nöd nöp amem, kalöp Kraiss manö aij u nöd hag ñinö. ¹⁵God nipe wög yip hag la. Ram minöñ ke nibö gau nipe nibi bi rimnap kalip hag la. Kale ram minöñ anib gau amöm wög gipal u, yad aiud ap udagnabin. Pen yip aij ginab u, kale Kraiss manö aij u niñ ud klö yabiñ gi midaibe, yad kalöp an gau wög klö ginö, wög adiñ kub rö lö, nan magö pil aij ginab. ¹⁶Hainö me kalöp dauba gi apem, am ram minöñ nöd hag ñagla dagol gau amem, Kraiss manö aij u nibi bi anib gau kalip hag ñinabin. Ram minöñ ke nibö gau nipe wög anibu nibi bi rimnap kalip hag la. Kale ram minöñ anib gau amöm wög gipal u, yad aiud ap udagnabin. ¹⁷“Nibi bi hib haglö adö arniñ ginab gau, Bi Kub u hib nipe haglö adö arnim.”^w ¹⁸Hib hon ke hagno adö arnab u, God niñö udep rö lagnab; pen Bi Kub u hib hon hagö adö arnab u me, God niñö udep rö linab.^x

Jisas manö hagabun, a göm, piral haggal gau

11 ¹Yad manö hauñ rö hagnabin u pen manö iñ midö niñöl gi hagnig gabin. ²God kalöp midmagö löp rö, yad kalöp u rö nöp midmagö libin. Kalöp me nibi praj mid aij göp u dam bi añi ap niñ ñinö. Bi anibu me Kraiss.^y ³Pen yad piññ gipin u, hadame nöp haiño u pir alö, Ip niñ uda rö, nibi bi rimnap kalöp u rö nöp manö piral gau hag ud arlö, gasi kale niñbal rö niñmim, Kraiss niñ gasi añi niñmim ud aij gipim u, arö gimim rö löp.^z ⁴Manö hagabin u, yad niñbin, kale nibi bi gau nibö rimnap kalip ka ñibe, Jisas yad manö hag ñibin u rö hag ñagpal; Jisas ap ke rö manö u hag ñilö, abönamö udabim. Pen kale Ana u abe, manö aij u abe u rö nöp nöd udpe u wasö; ke hain nibö ap rö u udabim.^a

⁵Pen gasi yad niñbin, Kraiss manö aij ud arep bi aij aij kale anib gau bi kub, yad bi ramö gau rö ap midagpin.^b ⁶Manö kale u, dö kal yabiñ haggal u pen, yad haggin rö manö iñ niñ aij göm haggal. Kale niñbim, yad pör nöp manö iñ niñ aij gem kalöp manö hag ñibin.^c

⁷Pen kalöp God manö aij hag ñinö u pen mani nan rimnap ñimim a gem hagagnö. Yad kalöp an au midem anig ginö u, yad bi pro rö midnö kale nibi bi kub rö li midaimim a gem, anig ginö. Ginö anibu, yip bi ramö gau rö ap a gimim niñbim aka niñhön?^d ⁸Yad kalöp aip midem Kraiss manö aij u hag ñimidin u, Kraiss nibi bi ram minöñ ke nibö rimnap yip mani nan ñila. Mani kale si udem, Kraiss manö aij kalöp hag ñinö.^e ⁹Kale aip midainö ñin u, nan kale ap udagnö. Añ mam Masedonia nibö aula

^v 10:13 Ro 12:3 ^w 10:17 1Ko 1:31 ^x 10:18 1Ko 4:4 ^y 11:2 Ep 5:26-27 ^z 11:3 Jen 3:4,13

^a 11:4 Gal 1:8-9 ^b 11:5 1Ko 15:10; 2Ko 12:11 ^c 11:6 1Ko 2:1,13 ^d 11:7 1Ko 9:18

^e 11:8-9 Plp 4:15-16; 2Ko 12:13

gau nöp, nan yip nihön ulep ga gau yip dap ñila. Pen hainö u rö nöp, nan kale rimnap hag niņagnabin. ¹⁰Manö hagabin anibi, hagöl gi nöp mideinabin. Yad Akaia Propins rigon rigon gau amil apil gi ajeinabin u, mani nan kale rimnap udagnabin. Krai bi nipe midpin rö, niņö yabił hagabin. ¹¹Pen manö hagabin anibi, kalöp midmagö lagpin aka nihön? Wasö yabił. God niņöb yad kalöp midmagö libin.

¹²Pen mani nan kale gau udagmidin u hainö u rö nöp ginö, nibi bi manö piral hag ajpal gau, hon Pol nip rö adip adip midpun a göm hagöl rö lagnab. ¹³Kale hön adö u Krai manö ud arep bi rö löm, Krai wög gabun a gipal u pen Krai manö ud arep bi midagpal. Manö piral ud arep bi midpal. ¹⁴Pen ñin rimnap Seden nipe ke, God ejol mailö aij nipe ap rö halu löm auöp. ¹⁵Seden anig göp u, bi nip wög gipal gau, bi wög aij göm gi aij gipal rö halu löm auaiöl, hon gasi kub niņagun. Pen hainö gau nihön nihön ginaböl gau pen udnaböl.

Pol God wög göl gi marö uda

¹⁶Yad kauyaņ hagabin, kale rimnap yip bi hauł a gimim gasi u niņagmim. Pen yip bi hauł a gimim niņeinabim u, yip arö gipe, bi hauł gau hib kale ke haglö adö aröp rö yad u rö nöp manö rimnap hagnabin. ¹⁷Hib yad ke hagnig gabin u, Bi Kub gö anig gagnabin; bi hauł alö hib kale ke haglö adö aröp rö ginig gabin. ¹⁸Pen nibi bi iru nöp rimnap gasi ke niņöm, hib kale ke haglö adö aröp rö u, yad u rö nöp ginabin. ¹⁹Kale gasi niņ aij yabił gipim rö, bi hauł gau manö am haglö, kalöp iru gagöp. ²⁰Nibi bi gau kalöp wög gi ñeb bi kale rö mo kale gau löm, kalöp łip gi damöm, hałowałö göl gi, mulu maj miņan kalöp paklö, kale manö midagöp. ²¹Pen yad bi hain bi yihariņ rö midem, anig gagpin u, yad nable göp.

Pen yad manö hauł rö hagabin u, hib kale ke haglö adö aröp rö, unbö rö hagabin.^f ²²Kale Hibru nibi bi? Yad u rö nöp Hibru bi ap. Kale Isrel nibi bi? Yad u rö nöp Isrel bi ap. Kale Ebrahim ił ap? Yad u rö nöp Ebrahim ił u midpin. ²³Kale Krai nip wög gipal? Yad bi hauł yabił rö, hib yad ke hagnö adö arab u pen yad wög kłö gi gi, marö adö ke ke udpin rö, nibi bi piral gipal gau gagpal. Yip ñin iru nöp nagi lila. Yip ñin iru nöp miñu magö pakla. Yad ñin iru nöp um dam aņ lem aunö. Nibi bi gau anig unbö rö gagpal.^g ²⁴Juda kai ñin ke ke unbö mamid u, nagi udöm, yip ij iru yabił nöp pak gus göm ñin juöl ado gi da mamid böņ daņ pakla (39).^h ²⁵Rom kai u rö nöp ñin ke ke ñin miñau niņan yip ur udöm pakla. Ñin ap nibi bi iru nöp yip kabö ju pakla. Ñig magib kub ajainö, ñin ke ke miñau niņan ñig magib u böņ nöp piral paka. Ñig magib naij ga ñin anib gau, mañ ap nan adiņ bad ap ud sisi lem, ñig solwara uł adö laņ ap ran

^f 11:21-22 Plp 3:5 ^g 11:23 Ap 16:23 ^h 11:24 Dud 25:3

ap lug sisib göl gi midnö midnö, sidö wad amöm, sibön göm gi damöm, ram rua.ⁱ ²⁶Yad pör nöp amil apil gi ajmidin. Pör ajpin gau, ułham yabił ajpin. Nig ałi au jubin; nan si udep bi midpal aņ au ajpin; nibi bi yad ke aka Juda nibi bi wasö aņ gau gi ajem, ułham yabił ajpin; daun kub gau aka be gau aka nig solwara aņ gau gi aramem, ułham yabił arbin; nibi bi añ mam a gıpal u pen Kraıs nibi bi niıpe midagpal aņ gau gi ajem, ułham yabił ajpin.^j ²⁷Yad wög goslam gem, uhön hanem wasö, nın iru nöp nan magö midagö, kiyo lö, nig nan gö, waliı midagö, yiğön göm göp. ²⁸Pen marö adö ap me, nibi bi Kraıs lau adö midpal ram minöņ ke ke gau, mid aij gıpal aka gem, gasi iru niņabin. ²⁹Kraıs nibi bi rimnap lug pakniğ gilö, klö yad ke u rö nöp lugnab rö u niņbin. Pen nibi bi rimnap kalip łip gilö nan si nan naiğ gilö, midmagö yad aņ daņ ilön göp.

³⁰Hib yad ke adö rimnap hagnam u, yad bi klö midagöp u niņmim a gem manö anıbu hagnabin. ³¹Bi Kub Jisas Nap God, pör nöp hib dap raneb God u, yad pıral hagagabin u niņöb. ³²Yad Damaskas midainö, ki? Aredas bi niıpe Damaskas abad midmidöp u, yiğ nagi lin a göm, polisman gau hagö, Damaskas adan ramö gau magöņhalö binöm rik hakla. ³³Aniğ gıla u pen mam hon rimnap yiğ ud wadi kub miğan u löm, nagi adiköm, dam kabö waryö giğabö gıla ajöņ pro miğan u łip gi yulö, am am minöņ yaņ amem, pırikem ke gau arnö.^k

Pol naböņ niņa manö u hag ña

12 ¹Hib yad ke hagnö adö arnab u aij gagnab u pen Bi Kub u bi ap niğ gö naböņ niņa manö u hagnig gabin. ²Mi unbö siduņ böņ daņ luga u, Kraıs bi niıpe ap niņbin u, God niğ dam ram minöņ aij kumi kabö adö laņ au ud ara. Pen bi anıbu hañ romaņ halö aniğ adö laņ ara aka, hañ romaņ arö göm ana nöp ara aka, niņagpin; God nöp niņöb. ³Pen yad niņbin, bi anıbu — hañ romaņ halö aka ana nöp aka, niņagpin; God nöp niņöb — ⁴God niğ dam ram minöņ aij kumi kabö adö laņ au ud ara. Pen anıb laņ amöm, manö ke yabił niņa. Manö niņa anıbu, manö hagagep, nibi bi hag ñeb rö wasö; manö ke yabił u niņa. ⁵Bi ga anıbu yad klö gem hib niıpe nöp hagnö adö arnab u pen hib yad ke giğnö adö aragnab. Hib yad ke manö rimnap hagnig gabin u, yad bi klö midagöp rö nöp midpin manö anıbu nöp hagnabin. ⁶Pen hib yad ke dap raneb manö rimnap hagbneı yad bi hauł rö hagagbneı; niņö nöp hagbneı. Pen aniğ hagnö, nibi bi rimnap yiğ niņöm, “Bi u bi aij ke midöp,” a giılap u yiğ aij gagböı. Yiğ aij göı u, giğin giğin rö niņöm aka manö hagpin hagpin rö niņöm me, yad bi aigale bi rö midpin u ke niņöl. ⁷God yiğ ud arö, nibi bi rimnap niņagla rö niņnö anıbu, hib yad ke hagnö adö arniım rö löı a göm, God yiğ nan ilön ñeb ap ñöb. Nan anıbu Seden bi niıpe rö

ⁱ 11:25 Ap 16:22; 14:19 ^j 11:26 Ap 9:23; 14:5 ^k 11:32-33 Ap 9:23-25

ap apöm, yip kali rö binig ij bö midöp.¹ ⁸Bi Kub u nip ñin mihau nigan hagnö, yip anig gab rö gagnim a ginö u pen ⁹yip haga, “Ne ke nöp mid aij gimön rö lagöp u pen yad nibi bi klö midagöp gau kalip mög niñem klö yad ñinö niñöl gi kale aij nöp mideinaböl,” a ga. Anig haga u me, hib yad ke hagnö adö arnab u aij gagöp; yip aij göp u, yad klö midagöp bi ap rö midpin u hag midnö niñöl gi, Krai yip ud aij göl gi midainim.^m ¹⁰Yad klö midagöp; yip hag jubal; yad nan rik döp; yip gi naij gipal; yad uñham midpin. Pen Krai lau adö midpin rö, yip aigöl aigöl ginaböl u, miñ miñ nöp ginabin. Pen yad ke klö midagöp u niñ mideinabin u, God nipe gö, klö nipe udem klö göl gi mideinabin.

Pol Korid nibi bi gau kalip midmagö la

¹¹Yad bi hauñ rö hagajin. Pen kale nöp gajim yad anig gipin. Yip ud aij gimim, manö aij rimnap hagbep u pen yip arö gimim, bi rimnap kalip udpim. Yad bi miñan nibö bi ap rö midpin u pen Krai manö aij ud arep bi aij aij kale anib gau bi kub yad bi pro gasi u niñagpin.ⁿ ¹²Yad kale aip midem, hon Krai manö aij ud arep bi gau gipun rö nöp gi midainö. Kale nan gagep nan niñagep gainö u niñmim, yad Krai manö aij ud arep bi nipe midpin u hadö niñbim.^o ¹³Anib u, Krai nibi bi nipe midpal miñan rimnap kalip ginö ginö rö nöp kalöp u rö nöp ginö u pen adö añi ap nöp ke ginö. Adö anibu me, nan yip ram bi da gau, yip ñim a gem hagagnö. Pen kalöp gi naij rö ginö u niñmim arö gimim.^p

¹⁴Kalöp nöd ñin mihöp am niñnö; miñi kauyañ u niñig gabin. Nan kalöp ap udnam a gem nagnabin; kalöp niñnam a gem ninabin. Nime nap bi nan ud li aij göm, ñi pai bi kale gau kalip ñimidai. Pen ñi pai bi gau, nime nap bi kalip anig gagmidai. ¹⁵Anib u, gasi yad niñbin u, kalöp nan a gem, mani nan yad gau magöñhalö yu haknabin aka wög gi dam dam Krai manö aij u hag ñi dam dam umnabin u, manö midagöp. Pen yad kalöp midmagö yabiñ libin u niñnabin u, yip pen midmagö lagnabin akañ ¹⁶Pen kale hagnabin, “Mani nan hon udagpan pen ne manö piral hagö hon dui gipun,” a ginabin. ¹⁷Yad kalöp mam rimnap yunö u, mani nan kalöp gau amgö amgö li udnaböl a gem yunö akañ ¹⁸Yad kalöp nan a gem Daidas nip yuin a gem, nip hag niñnö yau a ga niñem mam hon ap halö nipe aip yunö. Pen yad niñbin Daidas nan kalöp rimnap ñip gaga. Daidas yad gipin adö u nöp göp; nipe adö ap ke gagöp.^q

¹⁹Pen yad niñhön ginig manö anibi kali kñiñ rikajin? Kale gasi niñhön niñbim? Pol manö hagab u, hib nipe ap lugagnim a göm hagab a gipim ar? Pen adö anibu hagagajin wasö. God nipe niñ midö niñöl gi, hon Krai nibi bi nipe midun manö hagajun. Añ mam aij yad kale klö gimim Krai

¹ 12:7 Job 2:6 ^m 12:9 Plp 4:11-13 ⁿ 12:11 2Ko 11:5 ^o 12:12 Ro 15:19 ^p 12:13 2Ko 11:9
^q 12:18 2Ko 8:6,16-18

nip cig aij gimim, a gun gasi niñun hagajun. ²⁰Yad piñiñ gipin u, yad am kalöp niñnabin ñin u, kale gipim rö niñnö, yip aij gagnab. Anibu rö, kale yip niñnabim u, yad gipin rö niñbe, kalöp aij gagnab. Kale pen pen hagmim asik ke ke limim, nan kale gau hon nöp udun a gimim, añ mam rimnap niñbe mulu lugö, kalöp ke nöp aij ginim adö u nöp gasi niñmim, nibi bi rimnap kalip manö naj hagmim, kalip manö udmim, hib kale ke dap ranmim, hañowañö gimim, gimim rö linim u yad piniñ gipin. ²¹Pen yad piñiñ gipin u, yagol au kauyañ amem niñnabin, kale rimnap gasi naj adö u niñmim, nibi si bi si gipim u, niñhön ginig anig gipun a gimim arö gagmim, nibi si bi si gi dammim, gasi naj niñmim gi dammim, hañowañö göl gi nöp mideinabim. Ginabim anibu God niñjöb a gem, yad bi migan nibö gau ap rö midem, nable gö niñöl gi, kalöp nan a gem miñlön göl gi mideinabin.^f

13 ¹Yad nöd kalöp ñin miñhöp am niñnö. Miñi pen kauyañ niñnig gabin. God Manö u kali kliñ riköm hagla, “Nibi bi rimnap kalip manö kub hagnig gaböl u, nibi bi miñhöp aka miñhau niñgañ rö amgö kale ke niñ midlö niñöl gi, gi naj gila u apöm waiö hagaiöl, niñjö rö linab,” a gila.^g ²Ruö ñin yigwö añ nibö u kalöp am niñem, nibi bi nan si nan naj gi mideila gau hainö apem kalip hag ginabin a gem kalip hag aunö. Miñi kalöp aip midagpin pen kauyañ manö nöd hagnö rö u nöp hagabin, yad am jakem, nibi bi nöd nan si nan naj gi mideila gau abe, nibi bi miñi nan si nan naj gabim gau abe, kalöp mög niñagnabin. ³Pen kale Pol Krai aip midöp aka wasö gi gasi niñbim u, niñ aij gimim. Krai nan rimnap ram minön añ kale gau gö niñnabim, nipe bi yihariñ wasö; nipe Bi klö ke nibö. ⁴Nipe bi yihariñ rö lö, nip mab ba lañ al pak lilö uma u pen God klö nipe u gö, kauyañ uraköm kamiñ midöp. Anib u rö, hon Krai aip midun bi yihariñ rö midpun, pen Krai kamiñ u hanip God klö nipe u ñö, kalöp nan a gun wög ginabun.^t

⁵Pen kale Krai nip niñ udun nip cig gipun aka wasö gimim gasi amil apil gimim, Krai kalöp aip midöp u ke niñnabim. Aka pen gasi niñ dammim Krai kalöp aip midagöp a gimim u ke niñnabim.^u ⁶Pen yad gasi niñbin, hanip bi gasi niñ dammim me, Krai hon aip midöp u ke niñnabim. ⁷Hon kalöp nan a gun, God nip sabe gun hagabun, “Kalip abad midaimön, naj adö u gagöl,” a gabun. Pen God nip sabe gabun anibu, kale mid aij giñe hib hon ap rannim a gun, sabe gagabun. Hib hon lugnab u nan yihariñ; kale gi aij nöp ginabim u nan kub.

⁸Pen Krai manö aij u kub ginim adö u nöp gun; Krai manö aij u pro ginim adö u gagun. ⁹Hanip aij göp u, hon nibi bi klö midagöp rö lun, kale pen nibi bi klö limim. Anib u, God nip sabe gipun, “Kalip abad midaimön, nagi adö aij nöp göl,” a gipun. ¹⁰Bi Kub nipe yip wög hag la

^f 12:21 2Ko 13:2 ^g 13:1 Mad 18:16; 1Di 5:19 ^t 13:4 Plp 2:7-8 ^u 13:5 1Ko 11:28

anibu, kalöp hagnö ap lug pakmim a göm hag laga; kalöp hagnö Kraiſ manö aij u niſ ud aij gimim niſ ciſ aij gimim a göm yiſ hag la. Adö anibu nöſ yad miſö kub gai i midem, kalöp nöd nöſ köſ anibi kali kſiñ rik yuabin. Kale manö yad anibi niſmim, hagabin rö gi mideinabim me, yad amjakem manö klö hagnig gaſi niſbin u arö ginabin.†

¹¹Añ mam bi. Miñi manö hag juniſ gem, “Kale midaiim” a gabin. Köſ kali kſiñ rikabin anibi aunab u niſmim, hon nan aij adö u nöſ gun a gimim klö nöſ aniſ göl gi midaimim, manö kali kſiñ rikabin i udmim, manö hag adö añi limim, agamiſ mid aij gimim. Aniſ giſe me, God niſi bi midmagö löm ud aij göſ u, kale aip nöſ mideinab. ¹²Kale Bi Kub niſ niſ uſpim rö, pen pen hag wiſai udöl gi, alaun bom halumim. ¹³Kraiſ niſi bi aui midpal magöñhalö, kalöp añ mam gau “Midpim?” a giſal.

¹⁴Bi Kub Jiſas Kraiſ kalöp magöñhalö mög niſöm ud aij göl gi midainim; God niſe kalöp magöñhalö midmagö löl gi midainim; Ana Uſ niſe kalöp magöñhalö aſ ba göl gi midainim.

† 13:10 2Ko 10:8